



Dalabyggð



Greinargerð með fjárhagsáætlun Dalabyggðar 2026-2029

11. desember 2025
Björn Bjarki Þorsteinsson, sveitarstjóri

Efnisyfirlit

Inngangur.....	2
Helstu niðurstöður í tillögu að fjárhagsáætlun 2026	3
A og B hluti sveitarsjóðs.....	3
00 Skatttekjur	3
02 Félagsþjónusta	3
03 Heilbrigðismál	3
04 Fræðslu- og uppeldismál.....	3
05 Menningarmál.....	4
06 Æskulýðs- og íþróttamál	4
07 Brunamál og almannavarnir	4
08 Hreinlætismál.....	4
09 Skipulags- og byggingarmál	5
10 Umferðar- og samgöngumál	5
11 Umhverfismál	5
13 Atvinnumál	5
20 Framlög til B-hluta fyrirtækja.....	5
21 Sameiginlegur kostnaður	5
22 Lífeyrisskuldbindingar	5
28 Fjármagnsliðir	6
31 Eignasjóður	6
43 Vatnsveita.....	6
61 Fráveita.....	6
65 Dalaveitur ehf	6
Dalagisting.....	6
Fjárfestingafélagið Hvammur.....	6
Byggðasamlag Dala, Reykhóla og Strandabyggðar um brunavarnir	6
Fjárfestingar	7
Mælaborð fjárhagsáætlunar og lykiltölur 2026 - 2029	8
Fréttatilkynning	9

Inngangur

Fjárhagsáætlun Dalabyggðar fyrir árin 2026-2029 kom til fyrri umræðu á fundi sveitarstjórnar Dalabyggðar þann 13. nóvember síðastliðinn. Byggðarráð hóf undirbúning að áætluninni sl. sumar samþykkti verkáætlun um fjárhagsáætlunarferlið þann 5. júní.

Alls fjallaði byggðarráð um áætlunina á fjórum fundum, þar af á einum fundi á milli fyrri og seinni umræðu. Einnig var fjárhagsáætlunin rædd í nefndum sem og á vinnufundi sveitarstjórnar. Samkvæmt sveitarstjórnarlögum nr. 138/2011 á sveitarstjórn að fjalla um fjárhagsáætlun í tveimur umræðum og skal sú fyrri fara fram eigi síðar en 1. nóvember og hin síðari ekki síðar en 15. desember. Haldnir voru kynningarfundir fyrir íbúa þann 2. desember.

Fjárhagsáætlun fyrir árið 2026 innifelur bindandi fjárheimildir fyrir rekstur sveitarfélagsins það ár en tölur sem snerta árin 2027-2029 er áætlun fyrir þau ár.

Fyrsta útgáfa áætlunarinnar var unnin af deildarstjórum hinna ýmsu eininga og starfsmanna á skrifstofu Dalabyggðar.

Launakostnaður er áætlaður út frá fjölda stöðugilda, launasetningu og á spám þar um, m.a. skv. minnisblaði frá Sambandi íslenskra sveitarfélaga. Áætlanir um tekjur byggja á upplýsingum frá Jöfnunarsjóði sveitarfélaga, áætlunum og viðmiðunum Sambands íslenskra sveitarfélaga og upplýsingum frá stofnunum um fasteignamat og þjóðhagsspá.

Áætlunin um rekstur Dalabyggðar er í jafnvægi öll árin sem um er að ræða. Það er þó þannig að nú sem oft áður er ákveðin óvissa í lofti hvað varðar þróun verðlags, vextir og verðbólga eru há en stefna þó nú í rétt átt og kjarasamningar eru ekki lausir a.m.k. að sinni en hið gagnstæða hefur verið raunin oft sem skapað hefur óvissu.

Samkvæmt sveitarstjórnarlögum skulu fjármál sveitarfélaga vera í samræmi við annars vegar svonefnda jafnvægisreglu (heildarútgjöld á þriggja ára tímabili mega ekki vera hærri en reglulegar tekjur á sama tímabili) og hins vegar skuldareglu (skuldaviðmið má ekki vera hærra en 150%). Fjárhagsáætlun Dalabyggðar fyrir tímabilið sem um ræðir stenst þessar reglur.

Á fundi sínum 23. október sl. bókaði byggðarráð að álagningarhlutfall útsvars verði 14,97% sem er jafnt lögbundnu hámarki sbr. lög um tekjustofna sveitarfélaga nr. 4/1995

Álagningarhlutfall fasteignaskatts og lóðargjalda verður einnig óbreytt milli ára. Álagningarhlutfall vegna holræsa- og vatnsgjalds er óbreytt milli ára. Gjaldskrár Dalabyggðar hækka að öllu jöfnum um 3,8% og er sú hækkun ofan á gjaldskrár sem tóku gildi þann 1. janúar 2025.

Fjárhagsáætlunin er lögð fram með þessari greinargerð og skjali sem í fundargögnum heitir „Fjárhagsáætlun 2026-2029, seinni umræða“. Komi það í ljós að mismunur sé milli talna í því skjali og þessari greinargerð þá eru það tölurnar í fyrrgreindu skjali sem gilda en ekki greinargerðin.

Helstu niðurstöður í tillögu að fjárhagsáætlun 2026

- Rekstrarniðurstaða A og B hluta er jákvæð um 7,6 milljónir króna og rekstrarniðurstaða A- hluta jákvæð um 3,5 milljónir króna.
- Heildareignir samstæðunnar eru áætlaðar um 2,5 milljarður króna í árslok 2026, skuldir og skuldbindingar eru áætlaðar um 1.816 milljónir króna og eigið fé er áætlað um 1.257 milljónir króna.
- Áætlað veltufé frá rekstri A-hluta er um 132,9 milljónir króna og samantekið fyrir A- og B-hluta 144,1 milljónir króna.
- Áætlaðar fjárfestingar á árinu 2026 eru samtals 229 milljónir króna.

A og B hluti sveitarsjóðs

Fjárhagsáætlun Dalabyggðar fyrir árið 2026 og þriggja ára áætlun fyrir árin 2027-2029 er sett fram í samræmi við 62. gr. sveitarstjórnarlaga, nr. 138/2011, fyrir A-hluta og samantekinn reikning fyrir A- og B-hluta. A hluti samanstendur af aðalsjóði og eignasjóði. Í aðalsjóði er rekstur málaflokka og þjónusta við íbúa sveitarfélagsins sem er fjármögnuð með skatttekjum og þjónustugjöldum. Í eignasjóði er haldið utan um rekstur, viðhald og stofnframkvæmdir fasteigna og gatna. Til B-hluta teljast fjárhagslega sjálfstæð fyrirtæki og rekstrareiningar sem eru í eigu sveitarfélagsins og fjármagnaðar með þjónustutekjum, en þau verða frá 1. janúar 2026: Fjárfestingafélagið Hvammur ehf., Fráveita, Dalagisting ehf., Dalaveitur ehf., Vatnsveita og byggðasamlag Dalabyggðar, Reykhólahrepps og Strandabyggðar um brunavarnir. Byggðasamlagið er fært sem B hluta stofnun hjá Dalabyggð þar sem sveitarfélagið greiðir yfir 50% af rekstrarkostnaði þess.

Í umfjöllun hér á eftir er áætlun 2026 borin saman við útkomuspá 2025.

00 Skatttekjur

Gert er ráð fyrir að skatttekjur hækki um 4,3% milli ára og verði 489,5 milljónir kr. á árinu 2026. Skv. áætlun Jöfnunarsjóðs sveitarfélaga verða framlög til Dalabyggðar 442,9 milljónir króna en það er hækkun um 3,6% á milli ára. Heildartekjur vegna fasteignaskatts hækka vegna hækkaðs fasteignamats, álagningarprósentan helst óbreytt. Í heildina hækka tekjur A hluta um 6,7% á milli ára. Greidd staðgreiðsla hækkaði heldur minna en síðustu ár á fyrstu 11 mánuðum ársins 2025 eða um 6,3 sem er heldur lægra en landsmeðaltalið sem var á sama tíma 9,2%

02 Félagsþjónusta

Dalabyggð hefur haldið utan um rekstur þeirra verkefna sem um ræðir á árinu 2025, eitt og sér að öðru leiti en því að í málefnum barnaverndar þá hefur Dalabyggð verið í samstarfi við Samskiptamiðstöðina varðandi ráðgjöf og utanumhald. Viðræður standa yfir við barnavernd Mið-Norðurlands um mögulega aðild Dalabyggðar að því samstarfi.

03 Heilbrigðismál

Heilbrigðismál og framlag til þess málaflokks standa nokkuð í stað á milli ára.

04 Fræðslu- og uppeldismál

Fræðslumál taka til sín 42,8% heildartekna A og B hluta. Málaflokkurinn hækkar um 7% í heildina, rekstur grunnskóladeildar hækkar um 5,5% en leikskóladeild lækkar um 2,1%.

Stærstur hluti fjármagns til fræðslu- og uppeldismála fer í launakostnað eða sem nemur 61,3% enda Auðarskóli stærsti vinnustaður Dalabyggðar sem skiptist niður í grunn- og leikskólaskóla auk tónlistardeildar. Fjöldi leikskólabarna stendur í stað og eru börnin 23 í árslok 2025 á 3 deildum. Fækkað hefur í grunnskóla og eru nemendur þar í lok árs 67 í 3 bekkjadeildum. Gert er ráð fyrir að dvalargjald fyrir elsta hóp í leikskóla (skólahóp) verði gjaldfrjálst líkt og undanfarin tvö ár, að öðru leyti hækka gjaldskrár um 3,8%.

05 Menningarmál

Málaflokkur menningarmála hækkar um 0,2% milli ára. Hækkun er áætluð til Menningarmálaverkefnasjóðs á milli ára, upphæðin hefur verið 1 millj.kr. undanfarin ár en er nú hækkuð í 1,5 millj.kr. Áfram verður gjaldfrjálst bókasafn á næsta ári en innheimt verður sem fyrr sektargjald og gjald vegna millisafnalána. Rekstur Eiríksstaða og Vínlandsseturs er í höndum rekstraraðila sem eru með samning þar um við Dalabyggð og matarsmiðja verður áfram starfrækt í Tjarnalundi en sú eign er mögulega á leið í söluferli. Félagsheimilið Árblik var selt á árinu 2025. Húsnæðismál Byggðasafnsins eru áfram í ákveðinni óvissu líkt og undanfarin ár, safnið heldur þó núverandi geymsluhúsnæði sínu á Laugum a.m.k. að sinni. Ráðinn hefur verið verkefnastjóri yfir framkvæmd á bæjarhátíð og umsjón með 17. júní á komandi sumri í fjarveru verkefnastjóra atvinnu-, markaðs- og menningarmála.

06 Æskulýðs- og íþróttamál

Gert er ráð verulegri hækkun á framlagi til æskulýðs- og íþróttamála og mun heildar rekstrarkostnaður málaflokksins verða um 98,8 millj.kr. Stærsti áhrifaþátturinn í málaflokksnum er sá að gert er ráð fyrir að íþróttamannvirkin í Búðardal verði komin í fullan rekstur í febrúar 2026 og tekur hann til sín fjármagn til reksturs líkt og reiknað hafið verið með í frumáætlunum sem unnar voru samhliða undirbúning á framkvæmdinni. Áfram er gert ráð fyrir 20% starfi í Félagsmiðstöð. Upphæð tólmundastyrkja til barna- og unglinga með lögheimili í Dalabyggð verður áfram 20.000 á ári en nýjar reglur tóku gildi í árslok sem víkkuðu út eðli styrkveitinga að vissu leiti. Samningur er við ungmennafélagið Ólaf Pá í Búðardal um aðgengi elli- og örorkulífeyrisþega og slökkviliðsins að heilsurækt sem er í eigu ungmennafélagsins, mun sá stuðningur færost yfir í íþróttamannvirkin í eigu Dalabyggðar þegar þau verða tekin í notkun.

Vinnuskóli verður starfræktur fyrir unglinga 14-16 ára í 6 vikur yfir sumarmánuðina.

07 Brunamál og almannavarnir

Gert er ráð fyrir svipuðum rekstrarkostnaði milli ára og áfram verður haldið í endurnýjun á minni tækjabúnaði fyrir slökkvistöð í Búðardal en engu að síður mun verða heildarlækkun á fjármagni til málaflokksins sem nemur um 4,2%. Dalabyggð, Strandabyggð og Reykhólahreppur reka í sameiningu byggðasamlag um brunavarnir. Heildarkostnaður Dalabyggðar í rekstri byggðasamlags um brunamál er um 52,2% en skipting kostnaðar fer eftir fasteignamati og íbúafjölda hvers aðildarsveitarfélags hverju sinni. Bakvakt stjórnenda er alla daga utan dagvinnutíma. Hún er sameiginleg fyrir allt svæði byggðasamlagsins. Unnið er að endurskoðun þessa málaflokks í samstarfi við samstarfsaðila Dalabyggðar.

08 Hreinlætismál

Gjaldskrá fyrir hirðingu, móttöku og eyðingu sorps í Dalabyggð 2026 tekur mið af breytingum í úrgangsmálum skv. lögum, greitt fast gjald og svo eftir útfærslu á ílátum líkt og á árinu 2025. Samkvæmt lögum eiga innheimt gjöld að standa undir kostnaði við hann, svo hefur ekki verið lengi.

Þrátt fyrir gjaldskrár breytingar er heildarkostnaður (tap) málaflokksins rúmar 23 millj.kr. sem greitt er með málaflokknum. Nýr samningur í ÍGF tekur gildi þann 1. apríl 2026 að undangengnu útboði sem fram fór á haustmánuðum 2025.

09 Skipulags- og byggingarmál

Dalabyggð, Strandabyggð, Reykhólahreppur, Kaldrananeshreppi og Árneshreppi reka í sameiningu embætti byggingarfulltrúa og fer skipting kostnaðar eftir fasteignamati og íbúafjölda hvers aðildarsveitarfélags hverju sinni og er hlutur Dalabyggðar hátt í 44,3% af heildar rekstrarkostnaði. Rekstur embættis skipulagsfulltrúa hefur verið í verktöku sl. ár og verður svo áfram á árinu 2026 skv. samningi við VSÓ þar um.

10 Umferðar- og samgöngumál

Rekstur málaflokksins helst að mestu svipaður milli ára en stærsti kostnaðarliðir þessa málaflokks er viðhald gatna og kostnaður við snjómokstur og hálkuvarnir innan sveitarfélagsins. Sveitarfélagið greiðir bæði fyrir snjómokstur í Búðardal og svokallaðan helmingamokstur á móti Vegagerðinni í dreifbýlinu. Gert er ráð fyrir svipuðu fjármagni í snjómokstur og undanfarin ár, eins er gert ráð fyrir svipuðu fjármagni og undanfarin ár í gatnaviðgerðir.

11 Umhverfismál

Framlag til málaflokksins er rúmlega 16 millj.kr. Undir málaflokkinn heyrir eyðing á ref- og mink. Einnig garðsláttur og fegrun umhverfis svo dæmi séu tekin.

13 Atvinnumál

Í málaflokkinn atvinnumál er áætlað að verja um 14,4 millj.kr. Aðkoma Dalabyggðar að rekstri Nýsköpunarsetursins á jarðhæð stjórnsýsluhússins í Búðardal, sem komið var á fót á árinu 2022, er einn af þeim þáttum sem undir málaflokkinn heyrir. Gert er ráð fyrir fjölgun verkefna í Nýsköpunarsetrinu á árinu 2026 í gegnum stuðning/styrk sem fékkst í gegnum C1 sjóð Byggðastofnunar. Auðarstofu verður komið á fót og því sinnt í samstarfi Dalabyggðar og SSV en kostað af framangreindum styrk.

20 Framlög til B-hluta fyrirtækja

Ekki er gert ráð fyrir neinum framlögum úr A-sjóði til B-hluta fyrirtækja á árinu 2026 .

21 Sameiginlegur kostnaður

Rekstur málaflokksins stendur nokkuð í stað en verður heldur lægri eða um 0,5% og er þar aðallega um að ræða kjarasamningsbundnar hækkanir launaþáttar. Sveitarstjórnarkosningar verða á árinu 2026 og er gert ráð fyrir kostnaði þeim tengdum undir þessum lykli.

22 Lífeyrisskuldbindingar

Lífeyrisskuldbindingar sveitarfélagsins skiptast í 2 hluta. Annarsvegar er skuldbindingar Dalabyggðar á lífeyri fyrrum starfsmanna sveitarfélagsins og hins vegar viðbótarlífeyrisskuldbinding v/Brúar. Gera má ráð fyrir að kostnaður málaflokksins hækki vegna boðaðra hækkana á viðbótar lífeyrisskuldbindingum sbr. boðaðar hækkanir frá Brú lífeyrissjóð, ekki liggja fyrir upplýsingar um þau áhrif þegar þessi greinargerð er unnin.

28 Fjármagnsliðir

Vaxtabreytingar í málaflokknum skýrist af innri vaxtakostnaði milli A og B hluta. Það sem tilheyrir þessum málaflokki er mismunur fjármagnstekna (s.s. arðgreiðslna, inneignavaxta) og fjármagnsgjalda (s.s. vaxtakostnaður langtímalána).

31 Eignasjóður

Málaflokkurinn samanstendur af innri rekstri allra bygginga og/eða eigna sveitarfélagsins ásamt minniháttar viðhaldskostnaði. Vaxtakostnaður mun hækka verulega milli ára vegna tilkomu nýrra lána sem tekin verða vegna byggingar íþróttamannvirkja.

43 Vatnsveita

Gert er ráð fyrir óbreyttum rekstri Vatnsveitu á næsta ári. Nýframkvæmdir í byggingariðnaði í Búðardal kalla á auknar framkvæmdir og endurbætur því bilanir hafa komið upp í kerfinu enda vatnsveitukerfið orðið 40 ára gamalt. Framkvæmdir vegna nýframkvæmda vatnsveitu á Laugum er að mestu lokið.

61 Fráveita

Gera má ráð fyrir einhverjum minniháttar viðhaldsframkvæmdum á lagnakerfinu til viðbótar við þær framkvæmdir sem í gangi hafa verið á komandi árum.

65 Dalaveitur ehf

Dalaveitur ehf hafa tekið yfir rekstur hitaveitunnar á Laugum og er það eina hlutverk Dalaveitna ehf.

Dalagisting

Eignarhlutur Dalabyggðar í félaginu er 72,69%. Unnið er að því að leysa upp reksturinn í ljósi þess að sala á eignum að Laugum er gengin í gegn en fram að því fjármagnaði Dalabyggð þann rekstur og þau útgjöld sem Dalagisting stóð frammi fyrir.

Fjárfestingafélagið Hvammur

Fjárfestingafélagið Hvammur ehf. er að 60% leiti í eigu Dalabyggðar og í 40% leiti í eigu Byggðarstofnunar. Tilgangur félagsins er að efla og styðja við uppbyggingu atvinnulífs á starfssvæði þess með uppbyggingu atvinnuhúsnæðis. Verið er að skoða að fá inn í félagið aukið hlutafé til viðbótar því sem Byggðastofnun hefur samþykkt til að styrkja stöðir félagsins enn frekar.

Byggðasamlag Dala, Reykhóla og Strandabyggðar um brunavarnir

Líkt og fram kemur í umfjöllun um málaflokk 07 þá reka Dalabyggð, Strandabyggð og Reykhólahreppur í sameiningu byggðasamlag um brunavarnir. Heildarkostnaður Dalabyggðar í rekstri byggðasamlags um brunamál er um 52,2% en skipting kostnaðar fer eftir fasteignamati og íbúafjölda hvers aðildarsveitarfélags hverju sinni. Bakvakt stjórnenda er alla daga utan dagvinnutíma. Hún er sameiginleg fyrir allt svæði byggðasamlagsins. Unnið er að endurskoðun þessa málaflokks sbr. breytingar á yfirstjórn sem urðu í maí 2024

Fjárfestingar

Gert er ráð fyrir eftirfarandi framkvæmdum árin 2026 til 2029 sem gert er ráð fyrir að færist til eignar á efnahagsreikningi:


Fjárfestingaryfirlit					
A- sjóður	Árið 2026	Árið 2027	Árið 2028	Árið 2029	Samtals
Eignarsjóður					
Grunnskóli / Leikskóli	23.500.000	8.000.000	10.000.000	10.000.000	51.500.000
Opin svæði	1.500.000				1.500.000
Leifsbúð		1.000.000			1.000.000
Eiríksstaðir	1.500.000				1.500.000
Dalabúð	1.500.000	10.000.000	5.000.000	10.000.000	26.500.000
Íþróttamiðstöðin Búðardal	170.000.000				170.000.000
Slökkvibúnaður	4.000.000			35.000.000	39.000.000
Götuframkvæmdir	9.000.000	10.000.000	10.000.000	10.000.000	39.000.000
Götulýsing	1.000.000	1.000.000			2.000.000
Fjárrétt		1.000.000			1.000.000
Tjaldsvæði Búðardal		1.000.000			1.000.000
Stjórnsýsluhús		4.000.000	8.000.000		12.000.000
Áhaldahús				4.000.000	4.000.000
Áhaldahús - áhöld/tæki				7.000.000	7.000.000
Silfurtún	8.000.000	10.000.000	10.000.000	10.000.000	38.000.000
Sjóvörn					0
Samtals A - sjóður	220.000.000	46.000.000	43.000.000	86.000.000	395.000.000
B - sjóður					
Fráveita	6.000.000	6.000.000	8.000.000	8.000.000	28.000.000
Vatnsveita	3.000.000	4.000.000	5.000.000	4.000.000	16.000.000
Dalaveitur		8.000.000	3.000.000	2.000.000	13.000.000
Samtals B - sjóður	9.000.000	18.000.000	16.000.000	14.000.000	57.000.000
Samtals A og B - sjóður	229.000.000	64.000.000	59.000.000	100.000.000	452.000.000

Heildar fjárfestingar árið 2026 eru því áætlaðar 229 milljónir króna sbr. töflu hér að ofan.


Mælaborð fjárhagsáætlunar og lykiltölur 2026 - 2029

Hér á eftir er yfirlit yfir stöðu helstu lykilþátta hvað fjárhagsstöðu Dalabyggðar snertir og horfur í þeim þáttum á næstu árum:


Skuldahlutfall og skuldaviðmið



Framlegðarhlutfall



Veltufjórhlutfall



Fréttatilkynning

Gert ráð fyrir jákvæðri rekstrarniðurstöðu í Dalabyggð árin 2026 til 2029

Fjárhagsáætlun Dalabyggðar fyrir árin 2026-2029 var lögð fram til síðari umræðu í sveitarstjórn og samþykkt einróma fimmtudaginn 11. desember 2025.

Áætluð rekstrarniðurstaða samstæðunnar (A og B hluta) árið 2026 er jákvæð um 7,5 milljónir króna. Nýjasta útkomuspá fyrir árið 2025 gerir ráð fyrir jákvæðri niðurstöðu upp á ríflega 173 milljónir króna á árinu þannig að áfram er haldið á sömu braut með sjálfbærni reksturs sveitarfélagsins að leiðarljósi þrátt fyrir metnaðarfulla uppbyggingu og rekstri íþróttamannvirkja í Búðardal.

Skuldaviðmið sveitarfélagsins, þ.e. heildarskuldir og skuldbindingar A- og B- hlutans sem hlutfall af reglulegum tekjum hefur aukist samkvæmt fjárhagsáætlun sveitarfélagsins samhliða framkvæmdum við íþróttamannvirki. Áætlað skuldaviðmið í árslok 2026 mun nema 116,7% en hámark samkvæmt reglum um fjármál sveitarfélaga er 150% af reglulegum tekjum þess. Fjárhagsáætlun Dalabyggðar gerir ráð fyrir því að skuldaviðmiðið fari lækkandi og muni verða um 97,1 % í lok árs 2029. Veltufjárhlutfall samstæðunnar er sterkt, en áætlað er að það verði 1,24 í árslok 2026. Áætlað er að það fari hækkandi árin 2027 til 2029 og nemi 1,50 í árslok 2029.

Miðað er við óbreytt álagningarhlutfall útsvars og fasteignaskatta og að hækkun gjaldskráa verði í flestum tilfellum 3,9%.

Dalabyggð réðst á árinu 2024 í stærstu einstöku framkvæmd í uppbyggingu mannvirkja sem sveitarfélagið hefur tekist á við í 30 ára sögu þess. Þann 12. júní 2024 var skrifað undir samning um uppbyggingu íþróttamannvirkja í Búðardal og ungir íþróttamenn í Dölum tóku við sama tilefni fyrstu skóflustungur að mannvirkinu. Þessi framkvæmd litar rekstur og fjárfestingagetu Dalabyggðar næstu ár og því þarf að vanda mjög til verka í öllum daglegum rekstri og við ákvarðanatöku hvað framkvæmdir og fjárfestingar varðar. Lok framkvæmda eru áætluð í febrúar 2026 og hefst rekstur mannvirkisins í kjölfar þess og sést þess glögg merki í fjárhagsáætlun 2026.

Áfram verður unnið á árinu 2026 að undirbúningi á uppbyggingu atvinnuhúsnæðis sem stuðningur fékkst til undirbúnings á í gegnum C1 sjóð Byggðastofnunar. Verulega ánægjulegt er að Byggðastofnun ætlar að standa með Dalabyggð í þessu verkefni sbr. viðauka við viljayfirlýsingu sem kynnt var á fundi sveitarstjórnar 11. Desember. Einnig verður haldið áfram að hamra járníð varðandi uppbyggingu húsnæðis í Búðardal fyrir viðbragðsaðila svo eitthvað sé nefnt af því sem í pípunum er til styrkingar innviða í Dölunum.

Sveitarstjórn Dalabyggðar ákvað að viðhalda ákvörðun sem tók gildi í ársbyrjun 2023 um að fella niður vistunargjald í leikskóla hjá elsta árgangi í leikskóla hverju sinni, svokölluðum skólahóp, gjaldfrjálst skólamötuneyti í grunnskóladeild Auðarskóla verður áfram líkt og frá hausti 2024 einnig verður boðið upp á frí afnot af líkamsræktaraðstöðu fyrir elli- og örorkulífeyrisþega, fyrst í stað í áframhaldandi samstarfi við Ungmennafélagið Ólaf Pá líkt og verið hefur frá ársbyrjun 2024 og svo í íþróttamannvirkjum Dalabyggðar eftir að þau komast í gagnið. Árskort á Héraðsbókasafn Dalasýslu verður áfram gjaldfrjálst á nýju ári og haldið er inni menningarmálaverkefnasjóði sem styður við menningarverkefni í heimabyggð. Þá hefur Dalabyggð verið að endurnýja ýmsa samstarfssamninga s.s. við Leikklúbb Laxdæla, Ungmennasambands Dalamanna og Norður-Breiðfirðinga (UDN), Félag eldri borgara í Dölum og Reykhólahreppi og Skátafélagið Stíganda þar sem stutt er við félagsstarf og líflegt mannlíf í sveitarfélaginu. Þessar ráðstafanir m.a. sýna einbeittan vilja sveitarstjórnar Dalabyggðar til að skapa sem bestar búsetuaðstæður fyrir íbúa á öllum aldri.

Markmið sveitarstjórnar Dalabyggðar er að bæta lífsgæði í sveitarfélaginu og að íbúum fjölgi á næstu

árum samhliða því að sjálfbær rekstur sveitarsjóðs haldi áfram. Það eru næg verkefni í Dalabyggð og tækifæri á hverju strái ef svo má segja og því mikilvægt að fá fleiri hendur til starfa og þátttöku í því blómlega og kröftuga samfélagi sem í Dalabyggð er.